

又改
為敘
州治
又為
朗溪
縣地
屬江
南西
道又
屬江
南西
道黔
中採
訪使

國朝乾隆元年改屬沅州府隸湖南布政使司

謹據

大清一統志錄為準

黔陽縣漢置鐔成縣屬武陵郡後漢因之晉曰鐔城縣義熙中
省徙舞陽縣於此仍屬武陵郡宋齊因之梁改置龍標縣隋屬

黔陽縣志

卷第五

沿革表

二

沅陵郡後省唐武德七年復置龍標縣屬辰州貞觀八年以龍
標置巫州天授二年改曰沅州開元十三年復曰巫州天寶初
改曰潭陽郡屬黔中道乾元初復曰巫州大曆五年更名敘州
五代時屬楚後為蠻所據宋熙甯七年收復置黔江城元豐三
年改置黔陽縣屬沅州元因之屬沅州路明隸沅州屬辰州府
本朝因之乾隆元年改屬沅州府

附攷

唐虞三代荊州之域

楚滅巴巴子兄弟五人流入黔中各為一溪之長 通鑑

秦昭王二十七年使司馬錯發隴西因蜀攻楚黔中拔之三十年

伐楚取巫中地及江南為黔中郡

始皇三十四年王翦滅楚置楚郡 通鑑 三十六年分天下為三十

六郡仍黔中郡按黔中地又分爲長沙郡

漢因秦制凡十三部置刺史武陵郡屬荆州高帝置莽曰建平縣

十三在今布政司索應劭曰順帝更名漢壽臨沅莽曰沅陵潭成康

水南入海玉山潭水所出東入鬱孟康曰潭音譚

無陽遷陵莽曰辰陽西陽義陵莽曰零陽充通志漢書

後漢武陵郡屬荆州刺史部十二城在今布政司臨沅漢壽故索

三年更名零陽充沅陵辰陽西陽遷陵潭成沅南建武二十六年置

唐郡國志後漢

新莽天鳳元年更漢郡縣名及官制班氏詳著於傳地理志又

附註於後范史於復名不書可謂疏畧諸邑乘皆言東漢復舊

以史考之當在更始初年世祖紀更始元年遣光武持節北渡

河所至鎮慰州郡復漢官名官名既復不應郡縣名尚仍莽舊

黔陽縣志卷第五沿革表

三

也又淮陽王傳更始二年封宗室功臣皆漢舊名可證又袁宏

後漢紀交州牧鄧讓蒼梧太守杜稷交州太守楊光更始所用

三國建安十九年分荆州長沙江漢桂陽以東屬權南郡零陵武

陵以西屬備吳志

建安二十四年孫權領荆州牧吳志

晉武陵郡縣十屬荆州臨沅龍陽漢壽沅陵黔陽西陽潭城沅南

遷陵武陽

按水經注晉義熙中舞陽徙故潭城潭城言故而舞陽徙治於

宋武陵太守屬荆州領縣十臨沅相龍陽漢壽相沅南令遷陵

侯辰陽相舞陽西陽長黔陽沅陵令宋書

按晉志武陵郡統縣十有潭城舞陽宋志武陵郡領縣如晉有

舞陽辰陽而無潭城是實以舞陽徙治故有舞陽無潭城可見

水經注之精

齊武陵郡屬郢州沅陵臨沅零陽辰陽酉陽沅南漢壽龍陽舞陽

黟陽南齊書州郡志按大清

梁置龍樹縣隋書地理志又方陳改為沅陵郡地方輿紀要

隋沅陵郡開皇九年置辰州統縣五沅陵舊置沅陵郡平陳郡廢大業初復大鄉

置龍樹置辰溪舊曰辰陽又武陵郡梁置武州後改曰沅州非

有平陳為朗州隋書地理志

按隋書地理志武陵郡注梁置武州後改沅州湖廣通志曰陳

世祖紀天嘉元年分荆州之天門義陽南平郢州之武陵置武

州宣帝紀大建七年改武州為沅州而隋志並云梁置其建立

時代已不同又據陳本紀是天門武陵所隸之州也據隋志則

武陵所改之州也今兩存之以俟博考者考梁武帝紀中大通

五年六月魏人蘭寶以下郢城降七月改下郢為武州無於武

陵置武州改沅州事陳世祖紀天嘉元年三月蕭莊所署郢州

刺史孫瑒內附乃分荆郢置武州下言其刺史督沅州領武陵

太守治武陵郡其都尉所部六縣為沅州別置通甯郡以刺史

領太守治都尉城省舊都尉是陳始置武州又分置沅州若如

隋志史不得云郢州之武陵也隋志誤矣又按陳未分沅州以

前梁陳二史俱無為沅州刺史者至通志謂大建改武州為沅

黔陽縣志卷第五

沿革表

四

州在今武陵者非是考宣帝紀大建七年二月樊毅克下郢等

六城改梁東徐州為安州武州為沅州乃下郢縣也十一年樊

毅以鎮西將軍都督荆郢巴武四州荆楚江左西門故曰鎮西

下郢在江北不合是時淮南已沒於周矣又安有所謂武州者

而治之且列傳中如徐度督湘沅巴武天嘉五年黃法奭郢巴武廢

武帝定天嘉四年程靈洗郢巴武天嘉六年荀法尚郢巴武正明

帝凡皆在上流無遙制下流江外之理又陳叔慎傳後主正明

元年督湘衡桂武軍事二年隋將楊素下荆門遣龐暉略地至

湘州叔慎詐降伏甲誅暉倉卒治兵衡陽太守樊暉武州刺史

鄔居業皆請赴難下郢遠隔江表何由得知而請赴難耶是梁

改下郢為武州陳改為沅州史蒙上文梁東徐州而省一梁字

耳若武陵之武州非梁時置而陳亦未嘗改為沅州也又隋志

下郢郡註魏為南徐梁改東魏又改曰東楚州陳改安州

後周改泗州下郢縣註梁曰歸政置武州魏改縣曰下郢置郡

不改改州曰東徐後周改州為郢州據此則陳改安州沅州本

是一事不言移譙州鎮及野昭神農還隸南兖州蓋初得江北

諸郡經略措置如此史文自明又下郢郡東魏改東楚下郢縣

魏改東徐而陳史仍冠以梁州名至郡縣皆沒於宇文一改泗

州一改郢州陳後主正明二年乃隋開皇八年武州不得為下

郢而武陵未嘗改沅州益明矣地志之書

大業初廢辰州復置沅陵郡龍樹縣仍隸沅陵

龍樹縣屬沅陵郡

後廢

唐高祖武德四年平蕭銑置辰州七年復置龍標縣屬辰州

舊唐書地

志理

太宗貞觀八年分辰州龍標縣置巫州武后天授二年改為沅州

按杜氏通典以巫山不在州界而沅水實出焉改為沅州長安三年置舞州明皇開元十三

年復為巫州以沅原聲天寶元年改為潭陽郡肅宗乾元元年

復為巫州領縣三龍標貞觀八年置巫州為朗溪貞觀八年析

今黔陽會潭陽先天析龍標置今沅州府治按明皇先天屬江

南西道

肅宗大曆五年更巫州為敘州潭陽郡領縣三龍標朗溪

城址在今縣西

南四十里潭陽屬江南道黔中採訪使舊唐書

按元和郡縣志謂唐置龍標縣因山為名然改樹讀作平為標

黔陽縣志

卷第五

沿革表

五

此不一唐書貞觀時以龍標縣置巫州理所天授改沅州開元

仍改巫州天寶改潭陽郡乾元復為巫州大曆為敘州是明在

龍標一地矣姚志引大清一統志謂今龍標山在黔陽城內

則今黔陽為唐巫州治無疑是已又唐志業州長安四年分沅

州之夜郎涇溪置舞州開元十三年改為鶴州二十年改為業

州天寶元年改龍標郡乾元元年復為業州大曆五年更名獎

州龍溪郡考業州所領峩山涇溪二縣峩山初為夜郎縣貞觀

五年置屬巫州天授二年析夜郎置涇溪開元二十年改夜郎

為峩山皆今芷江地惟天授二年既改巫州為沅州長安三年

置舞州與四年分沅州二縣置舞州相去止一年或三年所置

不在夜郎涇溪與否則史有訛誤耳綜而詳之今府治芷江縣

地漢為無陽東漢省晉大康置舞陽後徙於故鐔城則在今黔

陽治矣宋齊梁陳隋唐初為澠陽龍標等地統係今黔陽至明

皇先天置潭陽縣漢為無陽今為府治其夜郎峩山涇溪舞州

龍標郡鶴州業州獎州龍溪郡皆芷地五代建潭陽縣屬黔陽

又治州治宋復懿州熙甯遂定為今沅州治置盧陽縣若黔陽

治則兩漢潭陽郡敘州宋黔江城元豐乃定今名又靖州會同

巫州沅州潭陽郡敘州宋黔江城元豐乃定今名又靖州會同

通道自漢迄唐皆鐔城舞陽龍標地緩甯漢為都梁鐔城二縣

地劉宋亦為鐔陽地惟麻陽在隋為龍標地餘無與諸志言今

府治率牽合唐之巫州沅州敘州潭陽郡殊未分曉又考夜郎

改為峩山一以為開元二十年一以為天寶元年並屬唐書志

而不同如此又巫州改潭陽郡而業州改龍標郡彼此參差殆

當日統於所係與至若康熙邑志天寶初更名黔江是不考宋

熙甯始置黔江城而直以唐時黔州之黔江在蜀道者臆斷於此妄矣舊志辨之為是

唐季蠻僭分據敘州地自署為刺史

昭宗乾甯光化間馬殷據湖南領本軍節度使諸州以次收復而

敘獎仍歿於蠻梁初殷封楚王澁州即敘州按會彥和水經註謂敘江為九江之一疏云

敘江一名渠江出湖廣靖州西北入沅可見敘江即渠江敘州得名當以此舊志注敘州古蹟昌師益等來附

殷以昌為敘州刺史南唐王逵滅楚以蠻帥符彥通為黔中節

度使周顯德時屬周行逢命鍾志存為敘州刺史行逢死志存

奔武陽徽州蠻楊正巖遂以十峒稱徽誠二州諸縣皆廢

宋太祖建隆四年平湖南復獎敘諸州神宗熙甯七年置黔江城

大清一統志龍標故城元豐三年併鎮江砦人戶入黔江城為黔陽縣隸

沅州今沅州亦熙甯置

元隸沅州路後為陳友諒竊據

黔陽縣志 卷第五 沿革表

明隸沅州又屬辰州府

國朝乾隆元年湖南巡撫鍾保奏請升沅州為府領縣三芷江黔

陽麻陽按芷江名始此

